

MESYUARAT PERTAMA, PENGGAL KEDUA  
PARLIMEN KEEMPAT BELAS  
2019

**11 MAC HINGGA 11 APRIL 2019**  
**SOALAN NO. 1 HINGGA 518**

**MESYUARAT PERTAMA, PENGGAL KEDUA  
PARLIMEN KEEMPAT BELAS  
PEMBERITAHUAN PERTANYAAN  
DEWAN RAKYAT MALAYSIA**

**PERTANYAAN : BERTULIS**  
**DARIPADA : YB DATUK ABD RAHIM BIN BAKRI**  
**KAWASAN : KUDAT**

**SOALAN :**

**YB DATUK ABD RAHIM BIN BAKRI** minta **MENTERI KERJA RAYA** menyatakan apakah Kementerian berhasrat untuk meneruskan kerja-kerja bagi baki 5 lagi pakej jalan Pan Borneo Coastal Highway bagi jajaran Tuaran ke Kudat. Pembinaan jalan ini bukan hanya merancakkan industri pelancongan di sepanjang jalan tersebut tetapi juga memberi manfaat kepada pengguna-pengguna jalan raya kerana jarak masa perjalanan dari Kudat ke Kota Kinabalu dapat dipendekkan. Adalah menjadi hasrat penduduk daerah Kudat agar jalan ini diberikan keutamaan perlaksanaannya.

**JAWAPAN :**

Tuan Yang Di-Pertua,

Sebagaimana Ahli Yang Berhormat sedia maklum, perancangan projek Lebuhraya Pan Borneo (LPB) Sabah turut melibatkan jajaran dari Tuaran ke Kudat dengan anggaran jarak 123 km dan dibahagikan kepada 6 pakej. Sehingga kini, satu daripada 6 pakej tersebut, iaitu pakej 10 dari Pituru ke Rampayan Laut telah dibuat pelantikan kontraktor dan telah memulakan kerja-kerja pembinaan di tapak. Kementerian peka terhadap permohonan Kerajaan Negeri Sabah yang mencadangkan supaya jajaran ini diambil kira sebagai sebahagian daripada perancangan projek LPB Sabah. Walau bagaimanapun, hala tuju pelaksanaan baki 5 pakej kerja yang belum dibuat pelantikan kontraktor adalah tertakluk kepada penelitian lanjut antara Kerajaan Persekutuan dan Kerajaan Negeri Sabah yang dijangka dimuktamadkan dalam masa terdekat.

Sekian, terima kasih.

**PEMBERITAHUAN PERTANYAAN BUKAN LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : BUKAN LISAN**

**DARIPADA : DATUK ABD RAHIM BIN BAKRI  
[ KUDAT ]**

**SOALAN NO. 2**

Minta **MENTERI PERUMAHAN DAN KERAJAAN TEMPATAN** menyatakan apakah status terkini kerja-kerja pembinaan bangunan Balai Bomba dan Penyelamat daerah Pitas. Bilakah ianya dapat beroperasi sepenuhnya.

**JAWAPAN**

Yang di-Pertua,

1. Untuk makluman Yang Berhormat, projek Balai Bomba dan Penyelamat Pitas telah diluluskan dalam *Rolling Plan* Kelima (RP5) RMKe-10 Tahun 2015. Pada masa ini status kemajuan pembinaan Balai Bomba Pitas adalah 89%. Projek tersebut dijangka siap sepenuhnya pada bulan April 2019 dan dijangka mula beroperasi Mei 2019.

Sekian, terima kasih.

**PEMBERITAHUAN PERTANYAAN BUKAN LISAN DEWAN RAKYAT**

**PERTANYAAN : BUKAN LISAN**

**DARIPADA : DATUK ABD RAHIM BIN BAKRI  
[ KUDAT ]**

**NO. SOALAN : 3**

minta **MENTERI PEMBANGUNAN LUAR BANDAR** menyatakan apakah hala tuju dan masa depan projek agropolitan Pulau Banggi. Apakah tanaman getah projek tersebut telah mengeluarkan hasil dan berapakah anggaran hasil yang telah diperoleh daripada projek tersebut dan apakah para peneroka telah menikmati sebahagian daripada hasil tersebut.

**JAWAPAN**

Untuk makluman Ahli Yang Berhormat, komponen projek Agropolitan Pulau Banggi terdiri daripada penempatan dan ladang sejahtera. Sebanyak 100 buah rumah telah siap dibina dan telah diduduki di bawah Fasa 1, manakala sebanyak 36 buah rumah sedang dalam peringkat pelaksanaan di bawah Fasa 2.

Bagi komponen ladang sejahtera, seluas 544 hektar telah ditanam sepenuhnya dengan tanaman getah dan daripada jumlah tersebut, seluas 200 hektar telah ditoreh secara berperingkat. Seramai 52 penduduk telah bekerja di ladang sejahtera ini dengan anggaran purata pendapatan antara RM800 hingga RM1,200 sebulan bergantung kepada bilangan hari bekerja.

Projek tanaman getah ini telah mula berhasil pada tahun 2017 dengan jumlah 82,600 kg berat kering dengan nilai RM498,000 dan pada tahun 2018, jumlah hasil yang dikeluarkan adalah sebanyak 112,158kg berat kering dengan nilai RM448,000. Pada masa ini, pihak FELCRA Berhad

### **NO SOALAN : 3**

sedang melaksanakan kerja-kerja penyelenggaraan di kawasan selebihnya seluas 344 hektar dan dijangka akan ditoreh sepenuhnya pada tahun 2023.

Merujuk kepada halu tuju Agropolitan Pulau Banggi, pihak Kementerian Pembangunan Luar Bandar bercadang untuk melaksanakan projek ternakan lembu di atas tanah seluas 1,000 hektar yang tidak dapat diusahakan dengan tanaman getah bagi memberi pendapatan tambahan kepada peserta.

Bagi memberi kemudahan dan keselesaan kepada penduduk di Pulau Banggi, Kementerian juga telah menyediakan pelbagai kemudahan antaranya seperti jeti, jalan dan perparitan, kemudahan elektrik dan air, kemudahan sosial melibatkan surau, pusat kegiatan desa dan tadika termasuk gerai dan ruang niaga untuk usahawan tempatan.

**PEMBERITAHUAN PERTANYAAN DEWAN RAKYAT**

---

**PERTANYAAN : BUKAN LISAN**

**DARIPADA : YB. DATUK ABD RAHIM BIN BAKRI  
[ KUDAT ]**

**SOALAN :**

Minta **MENTERI PELANCONGAN, SENI DAN BUDAYA** menyatakan apakah inisiatif Kementerian untuk mempromosikan produk pelancongan Kudat memandangkan Kudat memiliki produk pelancongan eko yang berkualiti seperti Pulau Supirak, Beting Supirak, Tips Of Borneo, Pulau Maliangin, rumah tangkap ikan bagang, Pantai Kelambu, aktiviti sukan golf, produk makanan laut dan berasaskan kelapa, budaya tradisi etnik seperti Rungus dan lain-lain.

**JAWAPAN**

Kementerian Pelancongan, Seni dan Budaya melalui Tourism Malaysia (TM) sentiasa bekerjasama dengan Sabah Tourism Board (STB) dalam mempromosi pelancongan ke Sabah. Bersesuaian dengan kempen Tahun Melawat Malaysia 2020, acara-acara pelancongan akan diadakan di Sabah dan dipromosikan di pasaran antarabangsa dan domestik. Program-program promosi sentiasa diadakan bagi menggalakan kedatangan pelancong asing ke Negeri Sabah melalui:

1. Penyertaan STB dan penggiat industri pelancongan Negeri Sabah di pameran-pameran galakan pelancongan dan misi galakkan yang dianjurkan oleh TM mahupun pihak swasta. Antara pameran-pameran galakan pelancongan yang turut disertai oleh STB termasuklah International Tourismus Bourse (ITB)-Berlin, World Travel Market (WTM)-London, Destination Show-London, Vakantiebeurs-Amsterdam, Matka-Helsinki, Sabah Roadshow-Australia, Sabah Roadshow-Tokyo, Sabah Roadshow-Korea, dan International Travel Fair (ITF)-Taipei;

## NO. SOALAN: 4

2. Perkhidmatan penerbangan Malaysia Airlines dan penerbangan tambah murah seperti Air Asia dan Malindo Air menghubungkan Semenanjung Malaysia daripada Kuala Lumpur, Johor, Pulau Pinang, Kelantan dan Sarawak ke Kota Kinabalu, Sandakan, Tawau dan Labuan manakala perkhidmatan penerbangan MASWings yang menghubungkan beberapa daerah utama di Sabah dan Sarawak, telah memudahkan lagi lebih ramai orang untuk berkunjung ke Sabah;
3. TM dan STB dengan kerjasama syarikat penerbangan juga turut menaja lawatan suaikenal pihak media dan penggiat industri pelancongan (*mega-fam*) seluruh dunia bertujuan untuk memperkenalkan tempat-tempat menarik di Negeri Sabah;
4. TM juga menerbitkan risalah negeri Sabah yang mengandungi maklumat tarikan-tarikan pelancongan di Sabah. Risalah ini diedarkan melalui pejabat-pejabat TM dalam dan luar negeri, pameran-pameran pelancongan domestik dan antarabangsa. Risalah juga boleh diakses secara digital di serata dunia. Selain daripada itu, TM juga telah menghasilkan risalah *Malaysia Exotic Ethnic Heritage* yang menonjolkan keunikan budaya dan tradisi pelbagai kaum yang terdapat di Malaysia. Antara kaum-kaum yang terlibat di Sabah adalah Kadazandusun, Rungus, Bajau, Murut, Lundayeh, Orang Sungai dan Iranun. Risalah tersebut secara tidak langsung mempromosikan destinasi-destinasi pelancongan yang terdapat di populasi sesuatu kaum yang terdapat di dalam risalah tersebut;
5. Pengusaha Homestay di Sabah seperti Homestay Misompuru, Kudat juga telah turut terlibat di dalam Misi Jualan anjuran TM ke luar negara seperti Australia, Singapura dan Jepun. TM juga telah membawa sekumpulan penari dari suku kaum Rungus yang bernaung dibawah Persatuan Momogun Rungus Sabah ke ITB Berlin pada Mac 2018. Persembahan tarian *Mongigol Sumundai* secara tidak langsung mempromosikan kebudayaan suku kaum tersebut dan destinasi-destinasi pelancongan di sekitar Kudat.

Sekian, terima kasih.



**PEMBERITAHUAN PERTANYAAN BUKAN LISAN DEWAN RAKYAT**

**PERTANYAAN : BUKAN LISAN**

**DARIPADA : DATUK ABD RAHIM BIN BAKRI  
[ KUDAT ]**

**NO. SOALAN : 5**

minta **MENTERI PEMBANGUNAN LUAR BANDAR** menyatakan setakat manakah proses perlaksanaan projek bekalan air luar bandar ke Kg. Suang Pai, Kudat (RM11.3 juta) dan Kg. Limau-Limauan, Kudat (RM23.3 juta) telah dapat dilaksanakan. Apakah tawaran kerja telah dibuat dan bilakah kerja-kerja di tapak dapat dimulakan dan bilakah ianya dijangka siap sepenuhnya.

**JAWAPAN**

Untuk makluman Yang Berhormat, kedua-dua projek tersebut iaitu Projek BALB Ke Kg. Suangpai, Kudat dan Projek BALB Kg. Limau-Limauan, Kudat telah ditender pada 26 dan 27 November 2018. Status terkini projek-projek ini adalah di peringkat penilaian tender dan kerja di tapak dijangka bermula pada bulan Mei 2019. Projek-projek tersebut dijangka siap sepenuhnya menjelang suku keempat tahun 2020 dengan tempoh pembinaan selama 15 hingga 18 bulan.

**PEMBERITAHUAN PERTANYAAN BERTULIS DEWAN RAKYAT  
MESYUARAT PERTAMA, PENGGAL KEDUA,  
PARLIMEN KEEMPAT BELAS**

---

**PERTANYAAN : BERTULIS**  
**DARIPADA : Y.B. DATO' SERI HAJI ABDUL HADI AWANG**  
**[MARANG]**

**SOALAN NO. 6**

**Y.B. DATO' SERI HAJI ABDUL HADI AWANG [ MARANG ]** minta **MENTERI KEWANGAN** menyatakan apakah tindakan Kerajaan terhadap mereka yang mengilang, menjual atau terlibat dalam pembekalan arak murah, terutamanya ke kawasan-kawasan persisiran, luar bandar dan golongan bawah umur.